

Suprotstavljanje strastima (komentar hadisa (.Miradž 121

Na Miradžu opisujući isposnike Muhammedu, s.a.v.a., Allah, dž.š., u jednom dijelu kaže: *"Srca
".su im u prsima ranjena od mnoštva suprotstavljanja sa vlastitim strastima*

Predaje

Imam Ali, mir s njim prenosi da je Božiji Poslanik, s.,a.v.a., rekao: *"Strast je neprijatelj razuma."*

U knjizi El-Gurer we durer poglavlje o strastima navode se predaje koje slijede:

Imam Ali, mir s njim: *"Strast je bolest razumnih ljudi."*

Imam Ali, mir s njim: *"Strasti vode do najprezrenijih nizina."*

Imam Ali, mir s njim: *"Najbolji ljudi su oni koji se bore sa svojim strastima."*

Imam Ali, mir s njim: *"Lijek za dušu je ustezanje od strasti i čuvanje od ovosvjetskih užitaka."*

Imam Ali, mir s njim: *"Mjerilo vjere je u suprotstavljanju strastima."*

Imam Ali, mir s njim: *"Ponizi svoj nefs sve dok god te on vodi neposlušnosti Bogu."*

Također, El-Gurer ee durer, poglavlje o nefsu:

Imam Ali, mir s njim: *"Povedi brigu o svojoj duši tako što ćeš okrenuti leđa njenim strastima."*

Imam Ali, mir s njim: *"Najbolja su ona djela gdje se duša primora na njih."*

Imam Ali, mir s njim: *"Ko popušta svojoj duši u onome što ona voli, produžio joj je nesreću u
onome što ne voli."*

Imam Ali, mir s njim: *"U razilaženju sa dušom nalazi se njena razboritost."*

Imam Ali, mir s njim: *"Svaki put kada čovjek poveća svoje znanje poveća se i njegova briga o
odgoju samog sebe, te on ulaže tada sav trud u odgajanje i asketizam duše."*

Imam Ali, mir s njim: *"Ko bude nepokoran svome egu (duši) povezao je dušu sa Allahom."*

Imam Ali, mir s njim: *"Odlučan je onaj čovjek koji svoju dušu uposli obračunom sa samim*

sobom i koji njome ovlada tako što ga protiv sebe sredi i koji ju je dokrajčio borbom."

Imam Ali, mir s njim: *"Tvoj nefis je neprijatelj koji s tobom vodi rat i on te sprečava da se uspneš, ako mu se na volju pustiš odvest će te u propast."*

Imam Ali, mir s njim: *"Nema nemoćnijeg od onoga ko se prepusti svome nefsu (duši) pa ga on uništi"*

Pojašnjenje

Ovo bi bile predaje koje je izrekao naš predvodnik Amirul-mu'minin i one bi same po sebi bile dovoljne da objasne ovaj pasus. Prethodno smo o ovome govorili i navodili ajete i hadise koji upućuju na identično značenje i to u kontekstu riječi hadisa o Miradžu: "Oni sa sobom račun svode i svoj nefis umaraju", i kod riječi: "Ljudi jednom umru, a oni umru u svakom danu po .sedamdeset puta od borbe sa svojim nefsom/egom i prohtjevima